



Komunikadu Imprensa
Tribunál Distritál Suai
13 Outubru 2016

Estudante Eskola Sekundariu Tékniku Vokasionál Suai konsidera treinamentu “Asesu ba Justisa Formal” husi JSMP importante

Estudante Eskola Sekundariu Tékniku Vokasional (ESTV), Akar-laran, Suai Vila, Distritu Covalima konsidera treinamentu kona-ba “Asesu ba Justisa Formal” ne’e importante. Treinamentu ne’ebé realiza iha loron 6 fulan-Outubru 2016 ne’e, foka liu-ba fetu no labarik sira-nia asesu ba justisa formal.

Materia sira ne’ebé apresenta durante treinamentu ne’e mak kobre kestaun sira relasiona ho direitus umanus iha jeral, direitu fetu no labarik, Lei Kontra Violénsia Doméstika, violasaun seksuál no abuzu seksuál ba menór. Total estudante ne’ebé partisipa iha treinamentu ne’e hamutuk ema nain 30 kompostu hosi fetu nain 20 no mane nain 10.

Estudante sira konsidera treinamentu ne’e importante tebes ba sira tanba liuhusi treinamentu ne’e bele disponibiliza sira atu hasae sira nia koñesimentu ba iha área justisa formal liu-liu ba fetu no labarik nia asesu ba justisa formal.

“Treinamentu ne’e importante tebes tanba fahe informasaun kona-ba fetu no labarik iha prosesu justisa formal ba iha estudante sira atu hasae sira-nia koñesimentu kona-ba lalaok justisa formal, partikularmente ba fetu no labarik ne’ebé dalabarak sai alvu ba krime sira relasiona ho violénsia bazeia ba jeneru,” dehan Diretór Ezekutivu JSMP, Luis de Oliveira Sampaio.

Durante treinamentu, estudante sira hatudu sira nia vontade maka’as atu aprende kona-ba Lei Kontra Violénsia Doméstika ne’ebé konsidera krime ne’ebé akontese ho natureza violénsia doméstika nu’udar krime públiku, kazu krime abuzu seksuál ba menór (vítima sira ne’ebé seidak atinze tinan 14), liuliu protesau ne’ebé lei asegura katak maske ho konsentimentu husi vítima rasik konsidera nu’udar krime. Aleinde ne’e estudante sira mós hatudu sira nia antusiasmu ho informasaun kona-ba kazu abandona família.

Iha abertura, Diretór Eskola agradese tebes ba JSMP nia prezensa tanba matéria eskola nian laiha materia espesífiku kona-ba tópiku sira ne’ebé JSMP apresenta.

Rua setubal, Colmera, Dili Timor Leste

PoBox: 275

Telefone: 3323883 |77295795

www.jsmp.tl

Facebook: www.facebook.com/timorleste.jsmp

Twitter: @JSMPtl



JUDICIAL SYSTEM MONITORING PROGRAMME
PROGRAMA MONITORIZASAUN BA SISTEMA JUDISIÁRIU

Iha sesaun ikus ba enseramentu, Diretór Eskola ne'e husu ba JSMP atu bele kontinua treinamentu ne'e iha futuru ho durasaun tempu ne'ebé adekuadu.

Treinamentu ne'e realiza tanba apoiu hosi Embaixada Canada, iha Jakarta-Indonézia.

Atu hetan informasaun kle'an liu tan favór kontaktu:

Luis de Oliveira Sampaio
Diretór Ezekutivu JSMP
info@jsmp.minihub.org
Telefone: 3323883 | 77295795
www.jsmp.tl

Rua setubal, Colmera, Dili Timor Leste
PoBox: 275
Telefone: 3323883 | 77295795
www.jsmp.tl
Facebook: www.facebook.com/timorleste.jsmp
Twitter: @JSMPtl